

**Cov Tsev Txais Me Nyuam Los Tu
Kev Pab Cuam Ntawv Pov Hwm**
FOSTER HOMES
LIABILITY INSURANCE PROGRAM

QHOV KEV PAB CUAM NTAWV POV HWM NO YOG UA RAU DAB TSI?

Qhov kev pab cuam no yog tsim muaj los ntawm Wisconsin Legislature los mus ua kom ntseeg tau tias cov niam qhuav txiv qhuav uas txais ib tug me nyuam los tu tau txais nyiaj them rau tej kev puam tsuaj los yog tej khoom ploj uas tsim muaj – vim txhob txwm ua los yog ua yuam kev – los ntawm cov me nyuam muab tso rau lawv pab tu es tsis muaj ntawv pov hwm them rau.

LEEJ TWG THIAJ MUAJ FEEM TSIM NYOG TAU TXAIS?

Ib tug niam qhuav txiv qhuav twg uas muaj ntawv tso cai hauv xeev Wisconsin muaj feem los mus ua ib daim ntawv kom them hauv qhov kev pab cuam no thaum lub sij hawm tus me nyuam nyob rau kev saib xyuas ntawm lub county los yog xeev. Tiam sis, qhov kev pab cuam no yog tus "them thaum kawg yog tsis muaj lwm hauv kev" thiab tsuas muab siv rau thaum lub sij hawm qhov chaw muab daim ntawv pov hwm tsis kam them rau ib qhov kev puas tsuaj los yog yam khoom ploj lawm nkaus xwb.

HOM KEV PUAM TSUAJ LOS YOG YAM KHOOM PLOJ LAWML DAB TSI UAS THEM RAU?

Cov niam qhuav txiv qhuav yuav tsum muaj tus tswv yuav tsev los yog tus xauj tsev nyob daim ntawv pov hwm (los yog raug zam rau los ntawm qhov chaw muab ntawv tso cai no xwb) uas them rau cov kev ua tsis xyuas zoo tom ntej tom qab los ntawm cov me nyuam muab tso rau pab tu uas ua rau muaj kev raug mob rau lub cev los yog ua rau muaj khoom ploj rau cov neeg nyob hauv lub tsev pab tu tej khoom ntiag tug, ntawv pov hwm rau lub tsev rau cov khoom nyob hauv, rau cov tsheb, cov nkoy, cov tsheb cav caij khiav hauv hav snow, ATV's, thiab lwm yam.

Qhov kev pab cuam no yog tsim tsa los pab them tej kev raug mob los yog kev puam tsuaj tsim los ntawm tus me nyuam rau cov niam qhuav txiv qhuav uas cov ntawv pov hwm tsis them.

Muaj ib cov mas, cov chaw muab ntawv pov hwm tsis them rau ib qho kev puam tsuaj los yog ib yam khoom ploj lawm li. Ntxiv mus, qhov kev pab cuam no tej zaum kuj yuav them rau kev raug mob los yog kev puam tsuaj uas tsim los ntawm cov niam qhuav txiv qhuav rau tus me nyuam los yog tej yam kev ua twg los ntawm cov niam qhuav txiv qhuav uas raug foob los ntawm tus me nyuam leej niam leej txiv. Lub xeev qhov Foster Parent Insurance Program tsis them rau cov ntawv ua tuaj ntawm pab thij peb kom them, tshwj tias ntshe tus niam qhuav txiv qhuav ho raug foob los ntawm pab thij peb no xwb.

Muaj ib lo lus xav qhia tias kom muab cov khoom muaj nqi tag nrho xws li khoom muaj nqi coj ntawm cev, nyiaj ntsuab, yaum sij, khoom qub txeeg qub teg khaws cia kom zoo los yog muab kev tiv thaiv cia kom txhob ploj los yog muaj neeg nyiag.

THAUM TWG KUV THIAJ YUAV TSUM UA IB DAIM NTAWV KOM THEM NYIAJ?

Yog cov niam qhuav txiv qhuav yog cov raug teeb meem muaj kev puam tsuaj los yog khoom ploj, daim ntawv ua kom them yuav tsum muab lis xa mus tsis pub dhau 90 hnub txij hnub qhov puam tsuaj los yog khoom ploj tshwm sim los yog nrhiav pom.

Yog tus me nyuam saws yog tus raug teeb meem muaj kev puam tsuaj los yog khoom ploj, daim ntawv ua kom them yuav tsum muab lis xa mus tsis pub dhau 90 hnub txij hnub cov niam qhuav txiv qhuav paub tias muaj ntaub ntawv pib ua foob lawv lawm.

Txawm yuav muaj tej yam twg los (piv txvv, tseem tos lus teb tuaj ntawm qhov chaw muab ntawv pov hwm, tus me nyuam mus rau tom tsev hais plaub kom them nyiaj kho yam uas puas), cov niam qhuav txiv qhuav yuav tsum ua daim ntawv kom them nrog rau tus neeg khiav hauj lwm kom sai li sai tau tom qab qhov puam tsuaj los yog khoom ploj tshwm sim los yog nrhiav pom. Yog qhov them nyiaj kho yam uas puas raug pom zoo los ntawm tsev hais plaub, yuav tsum hais qhia rau lub Department of Children and Families (DCF) thiab muab qhov nyiaj kho yam uas puas xav rov qab kom npaum li qhov them rau daim ntawv kom them.

KUV YUAV UA IB DAIM NTAWV KOM THEM LI CAS?

Yuav kom ua tau ib daim ntawv kom them, tus niam qhuav txiv qhuav yuav tsum nug qhov chaw khiav hauj lwm uas muab tus me nyuam tso rau pab tu kom muab ib daim foos (foos DCF-F-CFS0116-E). Daim foos yuav tsum muab los teb rau kom txhij txhua li muaj cuab kav ua tau. Daim foos ua tiav tas, nrog rau lwm yam ntaub ntawv, yuav tau muab xa rov qab mus rau qhov chaw khiav hauj lwm uas muab tus me nyuam tso rau pab tu. Ib daim foos W-9, uas sawv daws paub tias yog daim Employee Identification Form, yuav tsum muab los ua kom tiav los ntawm tus niam qhuav txiv qhuav thiab muab xa nrog daim DCF-F-CFS0116-E.

Qhov chaw khiav hauj lwm uas muab tus me nyuam tso rau pab tu yuav tau ua lwm daim foos (foos DCF-F-CFS0117-E) thiab tej zaum yuav nug kom muab ntaub ntawv ntxiv thiab / los yog kom tso cai tuaj mus saib qhov puam tsuaj. Ces qhov chaw khiav hauj lwm mam muab tag nrho cov ntaub ntawv xa mus rau Department of Children and Families kom nrog xyuas. Cov ntawv DCF-F-CFS2198-E, Foster Parent Insurance Program Checklist, yuav qhia ntxiv hais txog qhov ua daim ntawv kom them nyiaj. Koj tus neeg khiav hauj lwm los yog qhov chaw khiav hauj lwm uas muab tus me nyuam tso rau pab tu yuav tau txiav txim qhov IV-E tsoom fwv teb chaws qhov muaj feem tau txais kev pab ntawm tus me nyuam.

YAM NTAUB NTAWV DAB TSI UAS KUV YUAV TAU XA NROG KUV DAIM NTAWV KOM THEM NYIAJ?

Koj yeem muaj ntaub ntawv ntau, ces yeem zoo dua xwb. Muaj ib lo lus xav qhia tias tam sim no koj yuav tau muab koj lub tsev thiab koj tej khoom nyob hauv yees duab cia, kaw duab cia,

Ios yog muab teev rau ib daim ntawv cia tias muaj dab tsi. Yog muaj kev puam tsuaj los yog koom ploj tshwm sim, koj thiab yees tau duab tej koom puam tsuaj thiab muab tag nrho cov duab xa mus sib piv. Koj yuav muab sau ua ntaub ntawv khwv yees seb raug nyiaj pes tsawg rau ntawm cov ntawv foos los yog cov ntawv muaj npe nyob saum toj coj mus kho los yog hloov tshiab, cov tw ntawv rau kev hloov cov koom, cov ntawv khwv yees tias raug nyiaj pes tsawg uas lub tuam txhab muab ntawv pov hwm ua, tub ceev xwm cov ntawv hais txog kev puam tsuaj, cov ntawv hais txog tsev kub hnyiab, los yog lwm cov ntaub ntawv uas qhia txog muaj dab tsi tshwm sim, dab tsi raug puam tsuaj los yog ploj lawm, thiab cov kev puam tsuaj los yog koom ploj lawm ntaus nqi npaum. Yog ua tau, khaws cov koom puam tsuaj cia kom txog rau thaum koj daim ntawv kom them nyiaj raug pom zoo muab lawm tso. Lub department yuav tsis them cov ntawv kom them yog tias tsis muaj ntaub ntawv rau qhov koom ploj los yog puam tsuaj.

Koj tseem yuav tau xa cov ntaub ntawv pov thawj uas koj qhov chaw muab ntawv pov thawj tsis them rau ib qhov puam tsuaj los yog koom ploj twg uas yog xa ib daim qauv ntawm tsab ntawv tuaj ntawm koj tus neeg muab daim ntawv pov hwm.

Ntxiv mus, lub department tsuas ntxiv nyiaj rov qab rau cov niam qhuav txiv qhuav rau ib feem los yog ib tog ntawm ib yam koom xwb. Piv txwv, yog ib lub txaj zaum (couch) raug muab ua puam tsuaj dhau ntawm qhov kho tau lawm thiab yog ib feem ntawm ib lub rooj txaus ob leeg zaum (love seat) thiab cov rooj zaum (chairs), peb tsuas ntxiv nyiaj rov qab rau lub txaj zaum (couch) uas raug puam tsuaj xwb.

PUAS MUAJ IB QHO TXIAV NROG THEM?

Tau hais kom lub department txiav tawm \$100 rau txhua daim ntawv xa tuaj mus kom them nyiaj hauv xeev tib lub xyoo siv nyiaj (lub Xya Hli mus txog lub Rau Hli 30). Yog koj qhov chaw muab ntawv pov hwm them ib feem ntawm daim ntawv kom them nyiaj thiab txiav ib qho kom nrog them, qhov nyiaj ntawm qhov txiav ib qho nrog them yuav muab rho tawm ntawm qhov \$100.

Yog koj daim ntawv kom them nyiaj tsawg dua \$100, koj yuav tau ua ntawv tuaj rau koj qhov chaw khaiv hauj lwm kom them nyob tsam koj ho muaj ib qho kom them nyob hauv tib lub xyoo. Piv txwv, yog koj muaj ib daim ntawv kom them \$50 hauv lub Yim Hli thiab ib daim kom them \$150 hauv lub Ib Hlis, qhov \$100 yuav muab rho tawm ntawm ob daim tag nrho.

YUAV NTEV LI CAS KUV MAM TAU TXAIS KUV DAIM TSHEV NYIAJ?

Cov ntaub ntawv kom them nyiaj raug muab los xyuas txhua peb lub hlis, lub Ib Hlis, lub Plaub Hlis, lub Xya Hli, thiab lub Kaum Hlis. Nws siv li ntawm rau lub lis piam txij thaum koj daim ntawv kom them nyiaj raug pom zoo muab rau koj los mus tau txais ib daim tshev.

Yog koj daim ntawv kom them nyiaj ua tsis txhij txhua los yog tsis muaj ntaub ntawv txaus, lub sij hawm lis yuav nce ntev mus ntxiv.

YOG XAV PAUB NTXIV KUV YUAV NRHIAV TAU QHOV TWG?

Yog xav paub ntxiv, hu rau koj tus neeg khiav hauj lwm rau tus me nyuam uas muab nws tso rau hauv koj lub tsev pab tu.

Rau txhua peb lub hlis, yog cov nyiaj kom them tag nrho ntau tshaj lub xeev peev nyiaj npaj rau kev siv ntawm \$15,000 lawm, ntxiv rau tsoom fwv teb chaws cov nyiaj uas muaj, qhov nyiaj them yuav muab faib kom haum. Yog muaj cov nyiaj twg seem thaum xeev lub xyoo siv nyiaj los xaus, cov nyiaj no yuav muab faib kom haum rau cov niam qhuav txiv qhuav uas tsis tau txais cov nyiaj them rov qab puv ntoob.

Tag nrho cov ntawv foos siv los mus ua kom tiav daim ntawv kom them nyiaj yuav mus nrhiav tau ntawm peb lub website: <http://DCF.WISCONSIN.GOV/CHILDREN/FOSTER/FORMS/FORMSINDEX.HTM>

DCF yog ib tus tswv hauj lwm thiab ib qhov chaw muab kev pab cuam muaj vaj huam sib luag rau sawv daws. Yog koj muaj ib tus mob xiam oob qhab tsis taus thiab xav tau cov ntaub ntawv no ua lwm hom kom koj nyeem tau, los yog kom muab txhais ua lwm hom lus, thov hu rau Division of Safety and Permanence ntawm (608) 266-8787. Muaj lus nug txog neeg cov cai hu rau (608) 266-5335 los yog (866) 864-4585 TTY (Hu Dawb).

Daim Ntawv Teev Npe

DATA SHEET

Tus Tswv Muaj Tsev los yog Tus Xauj Tsev Nyob Daim Ntawv Pov Hwm (Homeowner's or Renter's Insurance)

Lub Tuam Txhab (Company) _____

Tus Policy Naj Npawb _____

Tus Neeg Sawv Cev (Agent) _____

Xov Tooj Naj Npawb _____

Fax / email _____

Ntawv Pov Hwm Tsheb (Vehicle Liability Insurance)

Lub Tuam Txhab (Company) _____

Tus Policy Naj Npawb _____

Tus Neeg Sawv Cev (Agent) _____

Xov Tooj Naj Npawb _____

Fax / email _____

Qhov Chaw Khiav Hauj Lwm Tso Me Nyuam Rau Lwm Tus Pab Tu (Child Placing Agency)

• Tus Me Nyuam Lub Npe _____

Qhov Chaw Khiav Hauj Lwm _____

Tus Neeg Hu Cuag Tau _____

Xov Tooj Naj Npawb _____

Fax / email _____

• Tus Me Nyuam Lub Npe _____

Qhov Chaw Khiav Hauj Lwm _____

Tus Neeg Hu Cuag Tau _____

Xov Tooj Naj Npawb _____

Fax / email _____